



Africam quam Græci Lybiam vocant, pars terræ habitatæ in Meridiem  
 vergens, vna est ex tribus Orbis partibus veteribus cognitis, quæ sanè  
 ex toto ipsis explorata nequaquam fuit, tum quia in mediterraneis ob  
 vastissimas solitudines impermeabilis videbatur, in quibus arena  
 sunt inuolucra, quibus à vento agitatæ gentes periclitantur: tum etiam  
 quia immensæ ac periculosæ fuit nauigationis, ac proinde vix à quo  
 quam olim circumnauigata, multò minus perspecta aut propius cognita. His tamen  
 proximè elapsis temporibus pluries à Lusitanis circumnauigata est, ac satis diligen  
 ter cognita, præsertim iuxta littus ab Heruleo freto ac fauces fermè Arabici sinus.  
 Primus vero qui promontorium Bonæ Spei prætergressus, Africam à Meridie incog  
 nitam præternauigauit, fuit Vasco de Gama anno 1497. qui hinc ad Calecutium In  
 diæ peruenit, & viam ad Orientales Indias aperuit, non sine immenso Lusitanorum  
 quæstu. Est autem forma Africæ ad Peninsulæ instar, quæ isthmo, qui est inter mare  
 Mediterraneum & mare Rubrum (quod & Arabicum vocant) Asiæ coniungitur, ac  
 duplo fermè Europam excedit, tametsi habitatorum illius vix partem habeat medi  
 am, & licet longè capacius habeat solum quàm Europa, nihilominus non tam fre  
 quentis ac commodè habitationis est vt illa: nam huius tellus inhabitabilis pluribus  
 in locis est, cuius rei causæ potissimum sunt, aquarum inopia, solum plerisque in locis  
 incultum, & aut sterilibus arenis, & inani puluere seu cinere obductum, aut solis ar  
 doribus obnoxium: deinde moles arenarum periculosæ, quæ dum ventis agitantur,  
 perinde atque in pelago procellæ fluctuant. denique venefici generis animalium &  
 bestiarum tantus prouentus, vt alicubi ægrè, alicubi nullo pacto ager, tametsi fertilis,  
 coli aut habitari queat. vnde vniuersa hæc regio magis vasta est quàm frequens: sed  
 vbi colitur, eximie fertilis est, ac frequentior est illi cultus, præsertim Boralior pars  
 quæ Europam spectat, vbi olim inhabitata prorsus fuit. hic quoque vniuersa ora ma  
 ritima inter Promontorium Bonæ Spei & Nigrum caput multas continet planities,  
 colles, valles, ac frugifera loca & amæna, vnde isthic perpetuum Ver apparet, & alibi  
 etiam satis fertilis est. Aequinoctialis circulus mediam penè Africam secat, quæ non  
 tantum vtrumque Tropicum attingit, sed & vltra eos gradibus penè decem expan  
 ditur. Habet Africa montes plurimos & maximos, inter quos Atlas principem tenet  
 locum, qui immanibus & supra quàm credi potest altis iugis è media arenarum vas  
 titate consurgens extollitur, vtpote supra nubes: suum autem ab Occasu exortum  
 habet, vbi & Atlantico Oceano nomen imponit inde perpetuo dorso variè flexus ex  
 tendit sese Orientem versus ad confinia Aegypti loca, est autem rotundus, arduus,  
 incisis vndique rupibus præceps ac inuius frigidissimus, sterilis, opacus, omnique ex  
 parte nemorosus, scatebris fontium irriguus, verticem nubibus semper tectum ha  
 bens, squallidus item qua parte Oceanum spectat: qua vero Africam minorem pro  
 spicit opimus est nascentibus sponte frugibus, arboribus opacissimis, quæ vestiuntur  
 lanugine fericis velleribus nihilo vilior. Montis huius vertex altis etiam Aestate  
 niuibus operitur. quin etiam & eius dorsum in crudescente Borea nonnunquam alta  
 niue arbores superante tegitur. Præterea fontes qui isthic reperiuntur summo Aestu  
 frigidissimi sunt, adeo vt si quis manum in eis aliquamdiu immensam teneret, eam  
 facile exanimaret. Præter Atlantem montes celebres sunt illi qui à Portugallensibus  
 dicuntur Pici fongosi, in Meridionali parte. namque ob eorum altitudinem & aspe  
 ritatem inaccessibiles ferè sunt, qui etiam nudi, deserti, atq; omni bono carentes sunt.







Præterea mons altissimus efformat promontorium illud quod vulgo Capo de Sierra  
leona dicitur, quod ad maximam distantiam visu percipitur. huiusce motis vertex semper  
nubibus obumbratur, ex quibus sæpe tonitrua ac fulgura emanant: vnde ipsum  
Ptolemæo & Hannoni Carthaginensi currum Deorum fuisse vocatum, nonnulli cen-  
sent. Montes Lunæ veteribus etiam cogniti sub Tropico Capricorni locantur, asper-  
rimi sanè, ac incredibili altitudine, à gentibus feris ac inhospitalibus inhabitati: pro-  
pe quos sunt valles immensæ profunditatis, adeo vt illic centrum terræ esse videa-  
tur. Sunt etiam Cantaberes montes in Angolæ regno minæris argenti opulentissimi,  
& alij etiam quos pagina non capit. Lacus aliquot immensi isthic sunt, quæ maria  
potius esse videntur, quorum præcipuus est Zembre, inter altissimos montes si-  
tus, distans ab Aequatore versus Meridiem gradibus vndecim, cuius ambitus ad  
quingenta miliaria minora patet, ex quo quidem ortum ducunt Nilus, Zaire, &  
Cuama amnes: atque in eo monstra marina esse nonnulli affirmant. Continet Africa  
immosos etiam fluuios, Nilum, Nigrum, Senagam, Gambam, Zaire, Cuamam, &  
Spiritus Sancti, qui omnes eiusdem naturæ ferè sunt: namque inundatione  
sua terram mirificè irrigant ac fertilem reddunt. horum tamen  
omnium (sicut & totius Orbis) Nilus est ma-  
ximus & celebratissimus.

